

陳忠裕公全集

五十二冊

陳忠裕全集卷十七

青浦王鴻逵用儀

婁縣莊師洛菴川

青浦王昶德甫輯

青浦趙汝霖惠蒼

編訂

青浦何其偉韋人

七言律詩三

湘真閣橐

揚州

淮海名都極望遙  
江天隱見隔南朝  
青山半映瓜州樹  
芳草斜連揚子橋  
隋苑樓臺迷曉霧  
吳宮花月送春潮

汴河盡是新栽柳依舊東風恨未消

壽蘇松宋兵憲

考證案江南通志職官無宋姓為蘇松兵備者觀詩中第二句則兵憲應是宋繼登山東通志繼登萊陽

人萬歷甲辰

進士官參議

三吳憲府得名賢籍甚家聲海岱前鳳閣舊傳雄彩筆  
虎符重起護樓船帳中甲士魚麗陣幕下諸生桂樹篇  
坐酌紫微須上佐閩風玉女自嬋娟

高郵州

考證江南通志高郵州元高郵府明洪武元年改為州屬揚州府

孤城日落佇中流大澤雲生動戍樓國繞芙蓉平萬堞  
水分桐柏浸三洲秦臺地迴魚龍靜楚樹天低鶴鶴愁  
欲採明珠何處是驚濤無限海西頭

河間

滹沱河上又徵兵粉堞牙旗擁漢京帝子樓臺通北極  
仙人宮闕近東瀛寒烽百道雲中出古木千重海岸平  
戎馬一來沙月暗幾回清角動邊聲

送吳來之膳部請告還江東

考證吳江縣志吳昌時適長兄昌期由舉人仕至貴州按

察司副使母嘉興黃氏舉昌期蟠腸生懼而抱子歸母家不與夫同處昌時爲庶出子處吳江旣成進士而昌期沒無子家甚富昌時遂往而有之故明史謂昌時爲嘉興人也

南宮槐柳正鳴鑿東海蒹葭憶掛冠漢署爲郎稱意少  
楚江作客獨醒難比鄰其拾金光草同舍相思玉露盤  
莫羨清時能臥病茂陵原自近長安

贈文啟美舍人

考證蘇州府志文震亨震孟弟字啟美能詩善書畫由貢生官中書舍人國亡後寓陽城憂憤

病卒 明史黃道周傳巡撫解學龍以薦道周被逮詞連中書舍人文震亨並繫獄

紫氣黃雲抱漢關金門詞客共追攀  
鸞坡世掌圖書府雞樹新聯供奉班  
自是枚皋來免苑非因楊意識龍顏  
知君諷諫多忠愛西殿徘徊夜未還

飲集水關

考證長安遊記德勝門之西城垣有水關西山諸水從此流入都城

星河仙液泛金卮漢鑿昆明備水嬉  
樓閣斜連玄武闕波濤常繞鳳凰池  
當風羅綺珠簾迴向晚芙蓉玉露垂  
忽憶相如賦中語還看落日隱西陂

重遊萬都尉園亭

鳳凰樓上接離宮，貴主亭臺霄漢中。  
烟散錦屏陰洞曉，雨殘花塢綺筵空。  
朱門斜帶金溝影，畫閣微交玉樹風。  
漫擬輕裝隨俠少，平陽羽騎五陵東。

城西園訪史道鄰中丞不值

園在夕月壇側。案史可法號道鄰。注見年譜崇禎十六

年考證春叨夢餘錄夕月壇在阜成門外繚以垣牆嘉靖九年建

城西時裏白雲飛，開府園林對落暉。  
荆楚奇才多舊部，江淮保障藉餘威。  
傳書黃石嘗晨出，較獵藍田每夜歸。  
匹馬從公不相遇，異時旌蓋託光輝。

贈方密之進士

故人射策未央宮，何事蕭條燕市東。  
四海交游誰是石

五侯賓客盡如風孤臣莫上緹縈疏聖主終明魏尚功  
指日湛恩還檠戟期君再世有彤弓

考證明史鄭崇儉傳方孔炤字潛夫萬歷四十四年進士天啓初爲職方員外郎忤崔呈秀削籍崇禎元年起故官憂歸定桐城民變還朝十一年以右僉都御史巡撫湖廣擊賊八戰八捷嗣昌以孔炤撫議異已遂因事獨劾孔炤逮下獄子簡討以智伏闕訟父寃膝行沙壚者兩年帝爲心動論護陵寢功減死戍紹興久之用薦復原官命甫下而京師陷南奔歸隱十餘年而終

### 送吳魯岡比部恤刑廣東

考證續洋縣志吳克孝字人撫號魯岡崇禎丁丑進士除刑部

主事在朝不苟謁失當國意去職甲申用薦補嘉湖道僉事在刑曹恤刑廣東平反滯獄至千二百餘人國初華亭陳子龍亡命吏捕急克孝素與善疑匿之并被逮未至而事解卒祀鄉賢

羊城海外古要荒斗野星移憲府郎詔到日南頒漢法  
使從天上恤蠻方瘴消銅柱先春煖月朗朱崖並夜光

借問陸生能服粵何如祝網報明王

五日賜粽擬應制

五日傳宣敕御廚鳳樓張幄奏笙竽白春鈎盾田中米  
青裏昆明苑裏菰風動石榴飄玉盃香凝昌歎冷冰壺  
加餐原愧糜天饌多黍還期賜大酺

賜扇擬應制

漸臺涼室接西清象轂金鑲下玉京貢自錦官城內出  
賜來明月手中生趨朝障霧飛花重退食當風拂袖輕  
聞道南薰終歲有無分寒暑佐昇平

考證明史諸王傳蜀王椿請繪錦香扇之屬從  
王邸定爲常貢 戒菴漫筆端午賜京官貢扇



都下雜感四首

帝里交游十載餘，薊門景色定何如。  
眼中不見悲歌士，懷裏空懸痛哭書。  
阿世久知長孺拙，微官敢道曼容疎。  
莫將襟抱傾人意，放論高談憶故廬。

榆關山險通烽火，巫峽雲深亂鼓鼙。  
不見雄風生楚甸，忍看明月照遼西。  
涓人苑裏牙旗動，緹騎城邊玉勒齊。  
攜酒欲尋行樂地，登高客思轉淒迷。

趙徼燕山不可分，鄉關極目思紛紛。  
愁中紫塞三更角，夢去滄江萬里雲。  
東觀有書誰彊記，西園無侶憶離羣。  
由來作客輕詞賦，莫薦相如善屬文。

側身南望涕縱橫海上浮雲掩碧城折檻終能寬直節  
杜門猶是坐高名鷓鴣啼瘴炎天遠鴻雁飛沙北地情  
明主憐才原不薄無煩九辯慰生平

謂漳浦也

### 遊天壇外垣

考證明史禮志壇壝之制洪武十年改定合祀之典即園丘舊制而以屋覆之名曰大祀殿成祖遷都北

京如其制嘉靖九年復改分祀建園丘壇於正陽門外五里許大祀殿之南壇面及欄俱青琉璃邊角用白玉石內門四南門外燎爐毛血池西南望燎臺外門亦四南門外左具服臺東門外神庫神廚祭器庫宰牲亭北門外正北泰神殿外建四天門東曰泰元南曰昭亨西曰廣利北曰成貞壇北舊天地壇即大祀殿也十七年撤之又改泰神殿曰皇穹宇二十四年又即故大祀殿之址建大享殿

南郊闔闔肅高策馬繚垣騁望情玉殿參差宮樹隱  
金莖縹緲時雲平中星五夜迴龍馭麗日千門對鳳城  
知有吾皇隆祀典祠官松下學吹笙

吟詩喜袁臨侯開府鄖陽却寄

名證湖廣通志袁繼成崇禎庚辰撫鄖值閣部楊嗣昌督勦流

賊散調糧餉由漢入庸視駐竹谿牛頭寨轉漕不贖民力不疲轉安慶巡撫又鄖陽府元鄖縣明成化中陞爲府

開府旌旃鎮鄖襄論功何似杜當陽檄書倚馬銷金甲  
賓從投壺佐玉觴玄嶽本朝藏簡牒漢江天上借輝光  
西南十載無真氣自此嘗應靖虎狼

贈周其章黃門

名證復社姓氏錄蘄州府周翦字其章案江南通志周翦崇禎癸酉舉人本姓胡太倉人題

名碑錄胡周翦太倉州籍長洲縣人又說鈴載庚辰科放榜後召對二甲進士以六科用者四人胡周翦與焉

明光發策帝臨軒自拔周堪漢署尊入殿正當玄武仗  
瞻星嘗近紫微垣捧書月色侵青瑣起草松風對掖門  
從古夕郎清切地每朝獻納奉君恩

輓萊陽宋五河使君

考證案宋琮字宗玉號五河萊陽人政  
元崇禎元年進士知祥符有治聲見明

史宋

政傳

十年玉札寄丹邱  
京洛從容此唱酬  
書報燕關雲黯黯  
昏迷聚窟水悠悠  
家留禪草投明主  
夢裏修文憶舊遊  
愁聽田橫山外笛  
招魂獨夜海風秋

宮燕

紫宮三月翠樓開  
雙燕翻飛去復回  
掠水每穿清暑殿  
舞衣偏遶避風臺  
龍池雨後披簾見  
鳳輦香過拂蓋來  
歲歲巢君金屋裏  
託身還在柏梁材

宮柳

東坡全集

卷十七 七言律

六

楊柳青青落御溝，苑牆寂寂曉鶯流。  
輕黃萬樹平金掌，晴綠千門上玉鈎。  
曙後和烟籠羽仗，春深帶雨暗龍樓。  
六宮隨處花如雪，但到昭陽不惹愁。

德勝橋

考證畿輔通志德勝橋在德勝門內積水潭東

碧海銀河一線流，星橋玉柱駕中洲。  
菰蒲色映西山暮，楊柳風分上苑秋。  
跨渭曾聞馳御馬，析津今擬渡牽牛。  
莫誇勝地連靈囿，儉德無心物外遊。

宋廷尉九青先生極稱舒章詩，又謬賞鄙作賦。

此以慰舒章

詞壇久已託光輝，大雅於今正式微。  
慚我方爲刀筆吏

憐君長著芰荷衣不逢季札誰能采自有鍾期莫歎稀  
寄語幽人空谷裏好將白雪事金徽

寄懷徐闇公

對客嘗稱徐孺子其驚猶是魯諸生飄零顧予同王粲  
狂簡何人薦彌衡啟事漸輕三府辟宦遊每借五侯成  
唯應梅尉辭官後與爾同高吳市名

送包長明同年出牧羅定

考證廣東通志包爾庚號長明上海人工文詞崇禎十三年知

羅定州戴星視事五載不倦其清如水聽訟明允嘗曰我家孝肅卽我師也民有訟卽合証佐約會限期審鞫不遺隸役先是圍堡各有陋規皆革去之以俸餘置學館八十六畝備諸生膏油試卷及賑給貧生之資欽取回京四民泣送江滸上海縣志爾庚崇禎丁丑進士守羅定行取入都遭祖母喪不赴國初隱居青溪之曲自號宜壑居士詔舉山林隱逸當事強之起以母老力辭明史地理志廣

東羅定州元灑水縣  
萬歷五年升為州

河朔三春並轡旋日南萬里剖符偏職方新啟諸羅境  
牧伯今來大國賢北界泉為吳隱變東方經自長卿傳  
莫愁聖主忘蠻郡看爾徵書嶺外懸

### 寄贈曹州劉大將軍

考證山東通志曹州府明曹州屬兗州府  
明史高傑傳劉澤清曹縣人以將

材授遼東寧前衛守備山東都司僉書加參將崇禎三年 大清兵  
攻鐵廠總兵楊肇基遣澤清來援力戰得入城敘功至副總兵六年  
遷總兵其冬加左都督恢復登州有功八年詔統山東兵防漕九年  
留守通州加左都督太子太師十三年八月降右都督鎮守山東京  
師陷澤清走南都福王以為諸鎮之一封東平伯駐廬州澤清頗涉  
文藝好吟咏嘗召客飲酒倡和幕中畜兩猿以名呼之即至一日宴  
其故人子酌酒金甌中呼猿捧酒跪送客猿猙獰甚客戰掉逡巡不  
敢取澤清笑曰君怖耶命取囚撲死堦下剋其腦及心肝置甌中和  
酒付猿捧之前  
飲鵬顏色白若

將軍夙挽繡螭弧家本安東俠者徒結客能傾四公子  
論兵欲門前獵騎金駉裏帳下材官玉鞦韆  
此日君王方撫髀可無鳴劍向伊吾

初出都門

灞橋花下送驪歌宮柳深陰夾道過去路風烟鄉思切  
望中雲日客愁多西山翠靄凝金闕南內青槐蔭玉河  
從此通宵瞻北極幾回清夢到鳴珂

過高唐有郭生者云聞余至候數日矣遂以酒

饌相餉

齊右荒城月復清勞歌四起旅魂驚主人虛左端冠佩



客子停車問姓名亂後盤飧難得味愁來盃斝易爲情  
獨憐明發風塵路橫斗殘星班馬鳴

塗中見西南徼外諸夷貢使而作

征西躍馬下西川戊巳重開磧外天銅鼓盡庭卽笳長  
玉門遠種月氏田百年貢賚從王會萬里馳傳到日邊  
使者無煩金馬頰漢家自有白狼篇

會通河

二首一考蓋山東通志元之會通河自安民山至臨清共二百五十里其自任城至安民山共一百五十里則初開之濟

州河也至明時重加疏浚始統以會通目之

此日昏

此日昏

此日昏

此日昏

帝宅崔巍枕薊邱穿渠中劃大荒浮派從漳衛東西合  
源出萊蕪南北流千里舳舻趨甸服萬方筐篚達一作灌神